

Manaka a Tšhukudu a hweditšwe ka Boemafofane bja Boditšhabatšhaba bja OR Tambo

Tshwane, 29 Aprele 2022 – Baofisiri ba khasetomo ba Ditirelo tša Motšhelo tša Afrika Borwa (SARS), ka tirišanommogo le dikgoro tše dingwe tša mmušo, ba tshwere merwalo ya monamedi wa mosadi ka Boemafofane bja Boditšhabatšhaba bja OR Tambo yeo e bego e swere diripana tše (12) tša manaka a tšhukudu tša kimelo ya dikilogramo tše 30.7.

Tshwaro ya manaka a tšhukudu e diregile morago ga ge baofisiri ba Khasetomo ya SARS le ba bangwe ba mmušo ba hwetša molaetša ka tshebi mabapi le monamedi yo a lego leetong la Dubai.

Sehlopha sa Khasetomo se ile sa tsaroga ka lebelo gomme ba felesetša monamedi wa mosadi go ya lifelong la Khasetomo go yo dira ditlhahlobo tša go iša pele tša Khasetomo. Merwalo ye mebedi le lepokisi di ile tša tlhahlobja ka sekena sa merealo seo se ilego sa laetša ditshwantšho tša go belatša tšeo di lemogilwego go ba dinaka tša tšhukudu.

Se se lebišitše go tlhathlobo ya sebele ya morwalo le lepokisi leo le bego le rwele diripana tše lesomepedi (12) tša manaka a tšhukudu, a kimelo ya 30.7kg ao a hweditšego. Monamedi gammogo le manaka a tšhukudu di ile tša neelwa go Ditirelo tša Maphodisa tša Afrika Borwa morago ga fao kgetsi ya bosenyi e ile ya bulwa go dira dinyakišišo tša go iša pele.

Magarenga ga Julae 2020 le Disemere 2021, palomoka ya diripana tše 125 tša manaka a tšhukudu, tša kimelo ya dikilogram tše 452, di ile tša tshwarwa ka Boemafofane bja Boditšhabatšhaba bja OR Tambo.

- Disemere 2021: Diripana tše tshela (6) tša manaka a tšhukudu, a kimelo ya 4kg ao a laodišitšwego bjale ka '*Personal Effects*', di phutheletšwe go ya China.
- Disemere 2021: Diripana tše tlhano (5) tša manaka a tšhukudu, tša kimelo ya 10kg tša go laodišwa bjale ka '*Scanners*', di phutheletšwe go ya Malaysia.
- Julae 2021; Diripana tše masometharo pedi (32) tša manaka a tšhukudu tša kimelo ya 160kg tša go laodišwa bjale ka '*Live Plants*', di phutheletšwe go ya Malaysia.
- Feberware 2021: diripana tše lesome seswai (18) tša manaka a tšhukudu, tša kimelo ya 63kg tšeo di laodišitšwego bjalo ka '*HP Cartridges Developers*', di phutheletšwe go ya Malaysia.

- Disemere 2020: diripana tše lesome šupa (17) tša Manaka a Tšhukudu tša kimelo ya 72.4kg di phutheletšwe ka gare ga kisara yeo e phutheletšwego go ya Malaysia.
- Setemere 2020: diripana tše tshela (6) tša imelo ya 4.9kg di laodišitšwe bjale ka 'Coffee Beans', di phutheletšwe go ya Malaysia.
- Julae 2020: diripana tše masome nne (41) tša kimelo ya 137kg di laodišitšwe bjale ka 'Fine Arts', di phutheletšwe go ya Malaysia ka go putla ka via Doha.

Khomišinare wa SARS Edward Kieswetter o laeditše ditebogo go baofisiri ba Khasetomo le badirišanimmogo go tšwa ka go Ditirelo tša Motšhelo tša Afrika Borwa bakeng sa go šoma ka potlako go thibela go mokola manaka a tšhukudu le go thibela bosenyi bja go nyalelana.

O boletše gore, "Ga go bosenyi bjo bo ka tlogelwago go dupelela le go golega digongwana tše le batho bao ba tloago molao. SARS le diagente tša taolelo ya semolao di tla šoma ka maatla go kgonthiša gore dimenetša di a golegwa."

Go hwetša tshedimošo enngwe, ikgokaganye le SarsMedia@sars.gov.za

